



Komisija za Statut i akte

Broj: 02-02-1450/17

Datum, 18.09.2017. godine

ZAPISNIK
O RADU 15. SJEDNICE KOMISIJE ZA STATUT I AKTE
GRADSKOG VIJEĆA
ODRŽANE 18.09.2017. GODINE

Prisutni:

1. Mr. Izmir Hadživdić, predsjedavajući
2. Toni Vukadin, zamjenik Predsjedavajućeg
3. Nihad Uk, član
4. Bajro Biber, član
5. Drago Jurić, član
6. Sanela Fijuljanin, članica
7. Emir Zlatar, član
8. Jasmin Salkić, član

Odsutan: Denis Stojnić, član

Sjednici prisustvovao sekretar Gradskog vijeća.

Sjednici prisustvovali iz Službe Gradskog vijeća:

- Mirjana Đanović Stanić, šef Odjeljenja za stručne poslove
- Jasmin Pirija, stručni savjetnik

Po ovlaštenju Gradonačelnika sjednici prisustvovali:

- Amela Kolovrat, pomoćnik Gradonačelnika za finansije
- Sabina Hadžiahmetović, stručni savjetnik u Službi za opću upravu
- Maja Hadžihalilović, savjetnik Gradonačelnika za pravna pitanja

Predsjedavajući je otvorio sjednicu pozdravio prisutne i utvrdio kvorum za punovažan rad i odlučivanje. Poslije rasprave, jednoglasno je usvojen sljedeći **dnevni red**:

1. Usvajanje Zapisnika o radu 14. sjednice Komisije za Statut i akte
2. Davanje mišljenja na Prijedlog Odluke o platama i naknadama u organima Grada Sarajeva
3. Davanje mišljenja na Prijedlog Odluke o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva
4. Davanje mišljenja na Prijedlog Odluke o davanju prethodne saglasnosti za zaključivanje ugovora o zakupu poslovnih prostora sa Općinom Stari Grad Sarajevo, radi uspostave stalne postavke „Galerije Berber“
5. Davanje mišljenja na Prijedlog Odluke o prihvatanju Sudske nagodbe u pravnoj stvari tužitelja “City Mark Plus” d.o.o. Sarajevo protiv tuženog Grada Sarajevo, radi nakanade štete
6. Predlaganje tema za izradu Nacrta Programa rada Gradskog vijeća Grada Sarajeva za 2018. godinu
7. Tekuća pitanja



TAČKA 1.

Usvajanje Zapisnika o radu 14. sjednice Komisije za Statut i akte

Zapisnik o radu 14. sjednice Komisije za Statut i akte jednoglasno je usvojen, uz ispravku na prijedlog člana Komisije Nihada Uk-a, vezano za zaključak pod tačkom 5. dnevnog reda 14. sjednice, koji sada glasi:

"Komisija za Statut i akte konstatira da je predloženi akt upućen Gradskom vijeću od strane ovlaštenog predlagača, osnovan u Statutu Grada Sarajeva, predložen u proceduri u skladu s Poslovnikom Gradskog vijeća, te sugerira Gradskom vijeću da razmatra Odluku o uspostavljanju saradnje između Grada Sarajeva i Prefekture Centralnog administrativnog okruga Grada Moskve".

TAČKA 2.

Davanje mišljenja na Prijedlog Odluke o platama i naknadama u organima Grada Sarajeva

Uvodno izlaganje je podnijela predstavnica Predlagača, te je Komisija za Statut i akte upoznata sa primjedbama, prijedlozima i sugestijama koje su iznesene na sjednici Administrativne komisije, a koje su ponudili, odnosno, prihvatili predlagači.

Usljedila je rasprava u kojoj je član Komisije Nihad Uk zatražio da se u zapisnik unese njegov zahtjev, da se materijal dopuni odlukom na osnovu kojih se trenutno isplaćuju plate i naknade u organima Grada Sarajeva, a kako bi se rješenja iz predloženog materijala mogla usporediti sa trenutnim stanjem.

Član Komisije Emir Zlatar je zatražio da se u zapisnik unese njegovo izdvojeno mišljenje o tome da predložena odluka nije u skladu sa Zakonom o platama i naknadama u organima vlasti F BiH, ni Zakonom o platama i naknadama Kantona Sarajevo, u dijelu utvrđivanja visine koeficijenta za obračun plate, a koji se odnosi na minuli rad, te da ne postoji zakonski osnov da se utvrdi naknada za rad u Kolegiju Gradskog vijeća.

Na prijedlog Predsjedavajućeg, Komisija za Statut i akte, većinom glasova, sa šest glasova "za", jednim glasom "protiv" i jednim "suzdržanim" glasom, usvojila je sljedeći **zaključak**:

Komisija za Statut i akte konstatira da je predloženi akt dostavljen od strane ovlaštenih predlagača, predložen u propisanoj formi i osnovan u Statutu Grada Sarajeva i zakonima, predložen u proceduri u skladu s Poslovnikom Gradskog vijeća, te sugerira Gradskom vijeću da razmatra Odluku o platama i naknadama u organima Grada Sarajeva, u formi i po postupku kako je predložena, uz uvažavanje sljedećih zaključaka.

Na prijedlog Predsjedavajućeg, Komisija za Statut i akte, većinom glasova, sa pet glasova "za", jednim glasom "protiv" i uz dva "suzdržana" glasa, usvojila je sljedeći **zaključak**:

Komisija za Statut i akte je mišljenja da ne postoji zakonski osnov za utvrđivanje visine naknade za rad članova Kolegija Gradskog vijeća.

Na prijedlog Predsjedavajućeg, Komisija za Statut i akte, jednoglasno je usvojila sljedeći **zaključak**:

Komisija za Statut i akte traži da se uputi zahtjev za mišljenje Ministarstvu pravde Kantona Sarajevo o tome je li sekretar Gradskog vijeća, u nomenklaturi važećih propis, sekretar organa državne službe ili ne, odnosno prema analogiji kojem radnom mjestu iz važećih propisa odgovara mjesto sekretara Gradskog vijeća, državnog službenika.

TAČKA 3.

Davanje mišljenja na Prijedlog Odluke o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva

Uvodno izlaganje je podnijela predstavnica Predlagača.

Članovi Komisije su upoznati da je, u međuvremenu, Predlagač formulirao određena poboljšanja u tekstu Pravilnika za koji se traži saglasnost, a odnose se na obavezu Gradonačelnika da paralelno donese Odluku o formiranju stručne službe Gradonačelnika, zatim i na broj inspektora, uz napomenu da se očekuju određene primjedbe, prijedlozi i sugestije sindikalne organizacije, a da će materijal, usklađen sa navedenim naknadnim izmjenama, uključujući i eventualne prijedloge ovog radnog tijela, biti upućen Gradskom vijeću na razmatranje u srijedu 20.09.2017. godine.

Predsjedavajući Komisije je zatražio da se u zapisnik unese sažetak diskusije u kojoj su članovi Komisije zatražili od Predlagača da uz Prijedlog Pravilnika, dostavi i pregled radnih mjesta iz kojeg će biti vidljivo na kojim radnim mjestima, neće biti moguće, a zbog stručne spreme, postaviti uposlenike, koji su prema ranijoj sistematizaciji obavljali određene poslove. Komisija je zatražila ovakav pregled zbog toga što je uočeno da je za radno mjesto sekretara Gradske uprave u predloženom Pravilniku, predviđena vrsta stručne spreme koju nema aktuelni sekretar Gradske uprave, te ne bi mogao biti raspoređen na radno mjesto državnog službenika koje sada obavlja.

Nakon dobivanja ovakvog pregleda, Komisija će zauzeti konačan stav o predloženom Pravilniku.

Poslije rasprave iz koje su proizašli određeni prijedlozi i sažetka Predsjedavajućeg, Komisija za Statut i akte jednoglasno je usvojila sljedeće **zaključke**:

1. Komisija za Statut i akte je razmotrila materijal, a budući da su najavljene određene izmjene predloženog teksta Pravilnika, rasprava će se nastaviti na sljedećoj sjednici za koju će biti dostavljen materijal, usklađen sa iznesenim prijedlozima.
2. Komisija za Statut i akte predlaže da se uvjeti vezani za vršenje određenih poslova po pitanju struke, postave što je moguće šire, a u skladu s važećom uredbom Kantona Sarajevo, te da se u pripremi sljedeće sjednice dostavi pregled tako izvršenih intervencija u tekstu pravilnika kakav je razmatran na sjednici Komisije.

TAČKA 4.

Davanje mišljenja na Prijedlog Odluke o davanju prethodne saglasnosti za zaključivanje ugovora o zakupu poslovnih prostora sa Općinom Stari Grad Sarajevo, radi uspostave stalne postavke „Galerije Berber“

Na prijedlog Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte konstatira da je predloženi akt dostavljen od strane ovlaštenog predlagača, predložen u propisanoj formi i osnovan u Statutu Grada Sarajeva, predložen u proceduri u skladu s Poslovníkom Gradskog vijeća, te sugerira Gradskom vijeću da razmatra Odluku o davanju prethodne saglasnosti za zaključivanje ugovora o zakupu poslovnih prostora sa Općinom Stari Grad Sarajevo, radi uspostave stalne postavke „Galerije Berber“, u formi i po postupku kako je predložena.

TAČKA 5.

Davanje mišljenja na Prijedlog Odluke o prihvatanju Sudske nagodbe u pravnoj stvari tužitelja "City Mark Plus" d.o.o. Sarajevo protiv tuženog Grada Sarajevo, radi nakanade štete

Komisija za Statut i akte je konstatirala da je Predlagač izjavio na zapisnik da povlači prijedlog odluke kako bi se materijal uskladio sa ranijim zahtjevima Odbora za budžet i finansije.

TAČKA 6.

Predlaganje tema za izradu Nacrta Programa rada Gradskog vijeća Grada Sarajeva za 2018. godinu

Na prijedlog Predsjedavajućeg, Komisija za Statut i akte jednoglasno je usvojila sljedeći **zaključak:**

Komisija za Statut i akte očekuje da će u Nacrtu Programa rad Gradskog vijeća Grada Sarajeva za 2018. godinu biti uvrštene teme vezane za razmatranje i donošenje izmjena i dopuna, odnosno novog Statuta Grada Sarajeva

TAČKA 7.

Tekuća pitanja

Poslije rasprave, dogovoreno je da će se sljedeća sjednica Komisije, za koju će biti upućen poziv sa materijalima, održati u ponedjeljak 25.09.2017. godine u popodnevnim satima.

ZAPISNIČAR

Jasmin Pirija, stručni savjetnik

PREDSJEDAVALAČI KOMISIJE

Mr. Izmir Hadživdić, s.r.